

蘓詩補註

卷三十至卷三十二

蘇詩補註

卷之三

七

東坡先生編年詩卷三十

後學查慎行補註

姪男開校刊

古今體詩五十七首

元祐三年戊辰官翰林學士時作

慎按是年春省試先生知貢舉自元日詩以下至游西池八首應編戊辰卷首施氏原本訛編上卷今据年月改正

和子由除夜元日省宿致齋三首

外集題云戊辰元日

江湖流落豈關天禁省相望亦偶然等是新年未相見此身應坐不歸田

致齋

唐書禮樂志齋戒其別有三曰散齋曰致齋曰清齋大祀散齋四日致齋三日中祀散齋三日致齋二日小祀散齋二日致齋一日

白髮蒼顏五十三家人遙遣試春衫朝回兩袖天香滿

頭上銀幡笑阿咸

阿咸

錢牧齋云王思遠小字阿戎王晏之從弟也子美杜位宅守歲詩用阿戎蓋出于此東坡與子由偶誤用為阿咸耳。慎按東坡用阿咸當指

子由諸郎觀末章結處有却將新句調兒童之語未必專指子由也

慎按外集蒼顏作龍鍾遙遣作強遣頭上作剩插笑阿咸作愧阿咸與諸刻本不同

當年踏月走東風坐看春闈鎖醉翁白髮門生幾人在

却將新句調兒童

春闈鎖醉翁

歐陽修歸田錄嘉祐二年余與韓子華王禹玉范景仁梅公儀同知禮部貢舉辟梅聖金為小試官凡鎖院五十日

蔡寬夫詩話故事春試進士皆在南省中東廂刑部有樓甚弘壯旁視宣德直抵州橋鎖院每以正月五日至上元例未引見考試官往往竊登樓以望御路燈火之盛宋宣獻詩有還勝南宮假宗伯重扉深鎖暗登樓之句蓋謂此嘉祐中歐陽知貢舉梅聖俞作莫登樓詩相與唱和為禮闈盛事。慎按嘉祐二年

春先生兄弟赴禮部試時歐陽公知貢舉元祐三年正月先生亦領貢舉故末章及之

附子由原作三首

樂城集題云三日上辛祈穀除日宿齋戶部右曹元日賦三絕句寄呈子瞻兄

七度江南自作年去年年初喜奉椒盤冬來誤入文

昌省連日齋居未許還

今歲初辛日正三明朝風氣漸東南還家強作銀

幡會雪底蒿芹欲滿籃

北客南來歲欲除燈山火急萬人扶欲觀翠輦巡
游盛深怯南宮鎖鑰拘

次韻答張天覺二首

車輕馬穩轡銜堅但有蚊蟲喜撲緣截斷口前君莫問

人間差樂勝巢僊

馭風騎氣我何勞且要長松作土毛亦如訶佛丹霞老

却向清涼禮白毫

丹霞

高僧傳釋天然不知何許人謁見石頭禪師爲立名天然元和中入南陽丹霞山結菴劉軻爲撰碑勅謚知通禪師訶佛事詳施氏補注中

禮白毫

清涼志無盡居士張商英除河東提點刑獄至清涼山止清輝閣文殊所化宅也良久北山雲起于白雲中現大寶燈白雲旣收復

現大白圓相如明月輪明日至東臺五色祥雲見白圓光從地涌起如車輪百旋商英以偈讚之云云

次韻黃魯直畫馬試院中作

少年鞍馬勤遠行卧聞齧草風雨聲見此忽思短策橫
十年髀肉磨欲透那更陪君作詩瘦不如芋魁歸飯豆
門前欲嘶御史驄詔恩三日休老翁美君懷中雙橘紅

公自注黃

有老母

畫馬

本集書試院詩後云元祐三年正月二十一日領貢舉事辟李伯時為考校官三月初考校既畢侍諸廳參會伯時苦水憊欲作驢馬以排悶

魯直詩先成余次韻蔡天啟晁无咎舒堯文廖明畧皆繼此不能盡錄云

試院

黃庭堅太學試院題名記元祐三年正月東坡與莘老經父同知貢

舉所太學試禮部進士四千七百三十二人三月戊申奏號進士五百人宗室二人魯直熙叔元興彥衡子明為參詳官君貺希古履中器之成季明畧无咎

堯文元忠遐叔子發君時天啟志完點檢試卷

御史驄

歐陽永叔出省詩自注云國朝之制禮部考定卷子奏上字號差臺官一人折封出

榜黃山谷試院題名記云是日侍御史日晏不來蓋奏號之後必待御史至然後折卷故云

詔恩

漢書馮野王傳三最予告令也病滿三月賜告

三日休

咸淳臨安志本朝考試官出院給歇泊假三日故周必大有詩云會待詔恩三日沐湖山尋勝任舟輿

懷中橘

按山谷集考試局戲作竹枝詞云我家白髮問烏鵲又云屋上啼烏兒當歸任淵注云山谷太夫人于時尚無恙東坡和詩亦云美君懷中雙橘紅

慎按吾溪漁隱叢話此格謂之促句換韻其法三句一轉韻三疊而止

附黃魯直原作

儀鸞供張饗蝨行翰林濕薪爆竹聲風簾官燭泪
縱橫木穿石槃未渠透坐窗不邀令人瘦貧馬不
贅逢一豆眼明見此五花驄徑思着鞭隨詩翁城
西野桃尋小紅

余與李廌方叔相知久矣領貢舉事而李不得第
愧甚作詩送之

與君相從非一日筆勢翩翩疑可識平生謾說一作古戰

場過眼終迷日五色我慚不出君大笑行止皆天子何

責青袍白紵五千人知子無怨亦無德買羊酤酒謝王

川爲我醉倒春風前歸家但草凌雲賦我相夫子非癯

僊

李薦

宋史李薦字方叔謁蘇軾于黃贊文求知軾謂其筆墨瀾翻有飛沙走石之勢鄉舉試禮部軾典貢舉遺之賦詩以自責與范祖禹將同薦諸

朝未幾去國不果絕進取意居穎之長社卒年五十一元祐中上忠諫書忠厚論并兵鑒二萬言周紫芝太倉稊米集云月巖集太華逸民所作李薦方叔之

自號也李端叔之儀序其

五千人

按黃山谷試院題名記元祐三年正月試禮部進士四千七百三十二人今先生云五千

人蓋舉成

數而言

慎按李方叔之父名惇字憲仲東坡同年友也故平生與方叔極相周恤集中有答方叔書云累書見責以不相薦引讀之甚愧然所諄諄期望者實欲方叔守道自信相勉于道而不務相引于利則先生之自待與所以待方叔者直以古處爲期偶閱宋人趙潛養疴漫筆云東坡知貢舉將鎖院緘封一簡令叔黨持與方叔值方叔出其僕受簡置几上有頃章子厚二子曰持曰援者來取簡竊觀乃揚雄優于劉向論一篇二章携之以去已而果出此題二章皆模倣坡作及折號意魁必方叔也乃章援第十名文意與魁相似乃章持方叔竟下第坡拳拳于方叔如此卒不能增益其命之所無反使子厚小人以坡爲有私有黨而無以大服其心云云果若所言乃末俗潛通關節冒犯科條者所爲先生豈肯出此此必章惇父子造爲此語以誣先生趙氏不察其誣傳諸紀載于先

蘇詩補註卷三十
四香雨齋
生品望所損不細
特爲辨正附錄

附黃魯直次韻

驥子墮地追風日未試千里誰能識習之實錄葬
皇祖斯文如女有正色今日持橐佐春官遂失此
人難塞責雖然一閱有奇偶博懸于投不在德君
看巨浸朝百川此豈有意潢潦前願爲霧豹懷文
隱莫愛風蟬蛻骨僊
和宋肇遊西池次韻

漢皇慈儉不開邊尚教千艘下瀨船貪看艨艟飛鬪艦
不知鼉鼓舞鈞天故山西望三千里往事回思二十年

自笑區區足官府不如公子散神僊

西池

春明退朝錄太宗于西郊鑿金明池中有臺榭以閱水戲東京夢華錄三月一日州西順天門外開金明池士庶許縱觀池周九里三十步汴

京遺蹟志金明池在城西鄭門外石林燕語金明池在瓊林苑北引金水河注其中歲以三月命士庶縱觀謂之開池至上巳車駕臨幸即開歲賜二府從官宴及進士聞喜宴皆在其間。按

鬪艦

石林燕語太平興國中鑿金明池以教神衛虎翼水軍習舟楫因為水嬉

西池即金明池以在城西故名

附黃魯直次韻

山谷集題云次韻宋林宗三月二十日到西池都人盛觀翰林公出遊自注翰林公謂東坡

金狻繫馬曉鶯邊不比春江上水船人語車聲喧

法曲花光樓影倒晴天人間化鶴三千歲海上看

羊十九年還作遨頭驚俗眼風流文物屬蘇僊

僕領貢舉未出錢穆父雪中作詩見及三月二十

日同游金明池始見其詩次韻爲答

雪知我出已全消花待君來未敢飄行避門生時小飲
忽逢騎吏有嘉招魚龍絕技來千里斑白遺民數四朝
知有黃公酒壚在蒼顏華髮自相遙

領貢舉

〔雍錄〕今世淡墨書進士榜首曰禮部貢院者唐世遺則也尚書省
六部皆在北省之南故禮部爲南官唐初試進士皆屬考功後以

考功權輕改用禮部侍郎其結銜曰知
貢舉或委他官爲之則曰權知貢舉

金明池

〔注〕詳前
西池下

避門生

〔梅聖俞〕
出省書

事和永叔詩已是瓊林芳卉晚不須遊處避門生○慎按時永
叔領貢舉梅詩故云宋時金明池宴會乃出鎖院後故事也

魚龍絕技

〔石林燕語〕金明池水戰後不復習
而諸軍猶爲鬼神戲謂之旱教

書艾宣畫四首

竹鶴

此君何處不相宜况有能言老令威誰識長身古君子

猶將緇布緣深衣

艾宣

郭若虛紀藝宋建隆至熙寧善畫花木者艾宣與崔白崔慤齊名本集跋艾宣畫云金陵艾宣畫翎毛花竹爲近歲之冠既老筆跡尤奇雖不

精勻而氣格不凡據此則宣

緣深衣

禮記具父母衣純以青如孤子衣純以素純袂緣純邊廣各寸半

附李端叔次韻

瘦玉蕭疎觸處宜
僊風一霎散霜威
未應舞罷排雲去
更看丹砂理雪衣

黃精鹿

太華西南第幾峰
落花流水自重重
幽人只采黃精去

不見春

一作青

山養鹿茸

一本作鹿養茸

黃精鹿

雷斅炮炙論凡取鹿茸以黃精自然汁浸兩晝夜免渴人也

蘇詩補註卷三十
六
杏雨齋
附李端叔次韻

綠徧前峰到後峰
靈苗壓地幾千重
勻斑養就無人見
多少狂心欲采茸

杏花白鷗

天公剪刻爲誰妍
抱蕊游蜂自作團
把酒惜春都是夢
不如閑客此閑看

白鷗

爾雅白雉爲鷗鷗字卽鷗音之轉張華博物志行止間暇故曰鷗舊注李昉名白鷗曰閑客

附李端叔次韻

朝來雨過發妖妍
向日枝頭雪作團
縞練長拖輕灑墨
不須將作兩般看

蓮龜

半脫蓮房露壓欹綠荷深處有游龜只應翡翠蘭荂上
獨見立夫曝日時

蓮龜

張世南炙龜論龜老則神年至八百反
大如錢夏則游于香荷冬則藏于藕節

附李端叔次韻

翠蓋相扶兩不欹多情獨許見陽龜千年自有逃
形處聊與清香約暫時

次韻子由五月一日同轉對

跪奉新書笏在腰談王正欲伴漁

一作耕

樵晉陽豈爲一門

事宣政聊同五月

別本公自注貞元中詔曰自今後五月
作日朝一日御宣政殿與文武百僚相見

憂患半

生聯出處歸休上策早招要後生可畏吾衰矣刀筆從

來錯料堯

轉對

宋史百官轉對限以二人其封章于閣門通進蓋襲唐制故祖宗以來每遇轉對侍從之臣皆與焉岳珂魏鄭錄建隆三年御札曰在朝文班

朝臣及翰林學士等每遇內殿起居依舊例次第差官轉對並須指陳時政關失凡關利病得以極言按元祐三年五月一日文德殿視朝東坡為侍讀次當

轉對條上三事以

宣政五日朝

長安志唐龍朔三年造宣政紫宸蓬萊三殿宣政殿在宣政門內東曰東上閣

歲月考之正合

門西曰西上閣門五代史唐故事天子御前殿見朝臣曰常參宣政前殿也謂之衙衙有仗宋史禮志常朝之儀以宣政為前殿謂之正衙即古之內朝也以

紫宸為便殿謂之入闕即古之燕朝也正衙則日見羣臣百官皆在謂之常參

官後此禮漸廢唐明皇始詔羣臣五日一隨宰相入見謂之起居宋因其制皇

帝日御垂拱殿文武官赴文德殿正衙曰常參宰相一人押班五日起居則于

崇德殿或長春殿中書門下為班首崇德即紫宸長春即垂拱也元豐官制行

始詔侍從而上日朝垂拱謂之常參官百官朝官以上每五日一

朝紫宸為六參官京朝官以上朔望一朝紫宸為朔參官望參官

錯料堯

碧溪詩話周昌謂趙堯為刀筆吏後果無能為

所料信不錯而云錯料堯亦以涉譏諷倒用耳

附子由原作

羸馬何堪金束腰
永懷江海舊漁樵
對牀貪聽連宵雨
奏事驚同朔旦朝
大耿功名原自異
中茅服食舊相要
一封同上憐狂直
詔許昌言賴有堯

韓康公挽詞三首

故國非喬木
興王有世臣
嗟余後死者
猶及老成人
德業經文武
風流表搢紳
空餘行樂地
處處泣遺民

韓康公

汪諱上卷

世臣

施氏原注韓子華其先真定人後徙開封父億字宗魏事仁宗爲參知政事謚忠憲居京師號桐樹韓家子華

于熙寧中拜門下侍郎封康國公後以太尉致仕居潁昌

再世忠清德
三朝翊贊勲
功成不歸國
就訪敢忘君
舊